



<County: Lancashire>

<Code: L0296>

<MS reference: London, Public Record Office E40/8559>

<Text: Award>

To all maner of men y<sup>t</sup> y<sup>is</sup> present writeng indentit shall se or her~ Thomas lord Egremount sendes gretyng in our~ lord euer-lastyng wher~ yer  
hase ben debait variaunce & discord betwix Thomas Proctour of Vlpho Richard Postiltwait & Richard Charnok opon~ y<sup>e</sup> ton@ parte & Willam Sadeler~  
hugh Sadeler~ Thomas Daudson & willam Daudson on~ y<sup>t</sup> tothir parte of ye welk ye seid partis hase submyt yam~ & athir~ of ye seid partis is  
bondon to me ye seid lord in an obligacion~ of a C li to obey & fulfell myn ordinans & award of all ye seid variauns<sup>3</sup> ther~ J at Cartmel  
ye xvijj day of februarij ye yer of ye Ren of kyng henr~ sext aft~ ye conquest xxviiij<sup>o</sup> ordeinys & deme<sup>3</sup> & awardis ye seid Thomaus Proctour  
to com~ to ye hall of Broghton & yer lawly besek John of Broghton qwier~ to be his gode master knowleghyng y<sup>t</sup> he hase <ill><1 word></ill> to hym  
& offendit his god mastership Also J award ye seid Thomas to sew be a frend of his to ye sam John to haue knowleges at what tym~  
resonabl it may plese hym to com to his submission forseid Jn semblabill vise J orden & award ye seid Thomas Proctour to com  
ye hall of Thaytis & yer to submit hym~ & sew to willam of Twaytis lik as it is bifor specefid y<sup>t</sup> he shall do to y<sup>e</sup> seid John  
Broghton Also <ill><c. 3-4 words, stain></ill> willam Sadeler~ opon~ gode friday next comeng at millum kyrk to excuse hym opon a bok be-for  
John <ill><c. 3-4 words, stain> if he be yan yer . And if he be absent . at y<sup>t</sup> tym~ yan ye seid willam to excuse hym@  
be-for ye vicar~ & ye pressyng y<sup>t</sup> he vse <ill><1 word, stain></ill> gelty of sleynge of ye do wilk wase said he shulde haue slan in Vlpho Also J orden & award  
ye sam Thomas to pay or mak to be paid to ye seid willam Sadeler~ for harme<sup>3</sup> hurt fo maym@ y<sup>t</sup> he haid of ye seid Thomas  
& othir of his feloship~ x li at ye fest <lacuna> Also J award ye sem<?> Thomas to pay or mak to be paid to ye seid hugh  
Sadeler~ for harme<sup>3</sup> hurt & maym~ y<sup>t</sup> he haid of ye sam~ Thomas & othir~ of his felaship~ x li at ye seid fest Also J orden@



& award ye sam willam & hugh to pay or mak to be paid to ye said Thomas Proctour for harme<sup>3</sup> &  
hurtis y<sup>t</sup> haid  
of yam & othir~ of yar~ feloship x mark at y<sup>e</sup> seid fest In witnes of whilk thyng to y<sup>is</sup> present  
writeng indentit  
J haue set to my sell Gifen ye yer~ day & plase aforseid